



Tusagassiorfinnut nalunaarut Pressemeddelelse

2024-mi qilalugartassat

Naalakkersuisut decembarip 14-ianni 2023 ataatsimiinnerminni 2024-mut qilalugartassat aalajangerpaat.

Naalakkersuisut 2024-mi qaqortartassat qernertartassallu piniartut atuisullu ilisimasaat, Piniarneq pillugu Siunnersuisoqatigiit ilaasortaannit kommuninillu tusarniaaneq kiisalu Qilalukkat Ataatsimoorullugit Ataatsimiititaliami (JCNB) 2019-imi aamma NAMMCO-mi 2019-2022-mi inassuteqaatit tunuliaqutigalugit aalajangertarpaat.

2024-mi pisassiissutit pillugit tamanut ammasumik tusarniaaneq aggustip 17-iannit – oktobarip 1-iat 2023 tungaanut ingerlanneqartoq innersuutigineqarpoq.

Qilalukkat qaqortat

Kalaallit Nunaata kitaani 2024-mut qaqortanik qilalugartassat katillugit 294-iussasut aalajangerneqarpoq. Kiisalu Tunumi teknikikkut pisassiissutit ukiuni 2022-2027 tamakkerlugit 30-t ingerlaqqiinnassasoq, 2022-2023-mi pisarineqareersut ilanngaatigalugit.

Kitaa

Kalaallit Nunaata kitaanut pisassiissutit, nunap ilaani immikkoortortanut 3-miit 5-imut tunngasut, sunngiffimmi inuussutissarsiutigalugulu piniartunut atuuttunik piniarnermut allagartalinnaat akuersissutilinnullu paggatassiissutigineqarput. Tamanna isumaqarpoq Naalakkersuisut kitaani qaqortaqaatigiit pillugit Namminersorlutik Oqartussat qaqortat qernertallu illersorneqarnissaat piniarneqarnissaallu pillugu nalunaarummi nr. 3, 27 januar 2017-imeersumi § 9, imm. 3-miit sunngiffimmi piniarnermut allagartallit pisassiissutit 10 procentii angullugit tunniunneqarsinnaaneraniit immikkut akuersivoq.

Takussutissiaq 1a: Kitaani qilalukkanik qaqortanik 2024-mut pisassiissutit:

Nunap immikkoortortaq	ilaa	Qilalugaqatigiit	2024
1-2		Qaanaaq	37 - 8 = 29* **
3		Savissivik	265
		Upernavik	
4		Uummannaq	
5		Ilulissat	
		Qeqertarsuaq	
		Qasigiannugit	
		Aasiaat	
		Kangaatsiaq	
	Sisimiut		
	Maniitsoq		

	Nuuk	
	Paamiut	
	Narsaq	
	Qaqortoq	
	Nanortalik	
	Katillugit	294

Takussutissiaq 1b: Qaanaamut eqqaanilu nunaqarfinnut qilalukkanut qaqortanut 2024-mut pisassiissutit.

Nunap ilaani immikkoortortaq 1-2	Illoqarfik nunaqarfiillu	2024
	Qaanaaq	20
	Siorapaluk	6
	Qeqertat	3
	Aqutsiveqarfik Qaanaaq	29

Tunu

Naalackersuisut qilalukkanik qaqortartassiivoq tamakkerlugit 30-nik ukiuni 2022-2027 atuuttumik. Tunumi ukiuni 2022-2027 qilalukkanut qaqortanut teknikikut pisassiissutit katillugit 30-t allangortinnagu attatiinneqarpoq, taamaallaat 2022-2023-mi 20-t pisarineqareersut ilanngaatilugit, tassa qulit sinnerupput.

Takussutissiaq 1c: Tunumi 2022-2027-mi qilalukkanut qaqortanut pisassiissutit allangortinnagu – pisat ilanngaatilugit.

Nunap ilaa immikkoortortaq	Tunu	2022-2027
6	Tasiilaq	30
7	Ittoqqortoormiit	
	Katillugit	30

Qilalukkat qernertat

Kalaallit Nunaata kitaani 2024-mut qernertanik qilalugartassat katillugit 455-iussasut aalajangerneqarpoq. Kiisalu Tunumi neqissaqarniarneq eqqarsaatigalugu pisassiissutit 2024-mi 41-ssasut aalajangerneqarluni.

Aammaarluni aqutsiveqarfinni qilalukkanik qernertanik 50-init ikinnerusunik pisassiissuteqarfiusuni qernertartassat paggatassiissutigalugit piniarnerup atorunnaarsinneqarnissaa aalajangerneqarpoq, tassami amerlasuunik pisassiissutillit pisassalinnut ikinnerusunut sanilliullugit pitsaanagerusumik sivisunermillu nakkutigineqarsinnaasarmata, ikinnerusunimmi pisassaartoqarnerani piniarnermi ataatsimi pisaqarpallaarneq nalaanneqarsinnaammat.

Tamanna aamma aqutsiveqarfimmut Upernavimmut atuuppoq, tassanimi pisassiinerit sumiiffimmi inoqarfinnut tamanut agguanneqassammata. Tassa imaappoq; qilalukkanik qernertanik pisassiinerit paggatassiissutigalugit piniarneq taamaallaat Qaanaami Ummannamilu ingerlanneqarsinnaapput (taamaattorli piniarnermut allagartaq aamma uppersaat atuuttoq sulii piumasaqaataassaaq).

Takussutissiaq 2a: Kitaani qilalukkanik qernertanik 2024-mut pisassiissutit:

Nunap ilaa immikkoortortaq	Qilalugaqatigiit	2024
1	"Etah"	15
2	"Qaanaaq"	88**
3	"Savissivik"	15
	"Upernavik"	85*+10***
4	"Uummannaq"	154
5	"Qeqertarsuup Tunua" katillugit, taakkunannga:	
	Ilulissat	15
	Qeqertarsuaq	25
	Qasigiannugit	10
	Aasiaat	25
	Kangaatsiaq	10
	Sisimiut	3
	Maniitsoq	
	Nuuk	
	Paamiut	
	Narsaq	
	Qaqortoq	
	Nanortalik	
	Katillugit tamaasa	455

* = Aqutsiveqarfik Upernavimmut eqqaanilu nunaqarfinnut pisassiissutit agguataarnerat takuuk takussutissiaq 2b-mi.

** = Aqutsiveqarfik Qaanaamut eqqaanilu nunaqarfinnut pisassiissutit agguataarnerat, takuuk takussutissiaq 2c-imi.

*** = Qaannamik pisassat.

Takussutissiaq 2b: Upernavimmut nunaqarfiinullu 2024-mut pisassiissutit agguataarnerat.

Nunap ilaa immikkoortortaq 3	Aqutsiveqarfik Upernavimmi pisassiissutit agguarneri *	2024
	Upernavik	14
	Kullorsuaq	13
	Nuussuaq	13
	Nutaarmiut	6
	Tasiusaq	6
	Innaarsuit	6
	Naajaat	5
	Aappilattoq	8
	Kangersuatsiaq	6
	Upernavik Kujalleq	8
	Qaannamik pisassat	10
	Katillugit	95

* 2023-imi pisanik sinniivallaarnerit pisassiissutiniit ilanngaatigineqassapput.

Qaannamik qernertartassat qulit allanngortinneqarsinnaangillat.

Tabel 2c: Qaanaami nunaqarfiinilu qilalukkanik qernertanik pisassiissutit agguataarnerat.

Nunap ilaa immikkoortortaq 2	Illoqarfik nunaqarfiillu	2024
	Qaanaaq	78
	Siorapaluk	5
	Qeqertat	5
	Katillugit	88

Tunu

2024-mi pisassiissutit 2023-mut sanilliullugit pisassiissutinut allannguuteqarput, tassanilu aalajangerneqarpoq Ittoqqortoormiunut qernertanik pisassat 17-inut inissinneqarlutik, Kangerlussuarmut qernertat 16-it, kiisalu Tasiilap eqqaani qernertat 8-t, taamaalillutillu Tunu tamakkerlugu 2024-mut pisassat ataatsimut amerlassusaat 41-ssallutik. Tunumi neqissaqarniarneq eqqarsaatigalugu pisassiissutit aalajangerneqarput.

Allannguutitut aalajangerneqarpoq piniartut Ittoqqortoormiunersut piniarfik Kangerlussuarmut qilalukkanik qernertanik piniarsinnaanissaat periarfissanngussasoq, Tasiilami piniartunut periarfissaq assigalugu.

Takusutissiaq 3: Tunumut qilalukkat qernertat pillugit 2024-mut pisassiissutit:

Nunap ilaa immikkoortortaq	Qilalugaqatigiit	2024
6	Tasiilap	8
-	Kangerlussuaq	16
7	Ittoqqortoormiit	17
	Katillugit	41

Pisarinngitsuukkanik nuussineq

Ukiumi qaangiuttumi sippuinerussutaasimasinnaasut (2023) aqutsiveqarfinni pisassiinerit pereerpata pisassiissutinut ilanngaatinneqarumaarput.

”Carry over” – nuussat qaqortanut qernertanullu tunngatillugu 2023-mut pisassat ukiumi siulianiit sinneruttut tullermut nuussisoqarsinnaavoq (takuuk periuseq amerliartuutaanngitsoq malinneqassaaq).

Sukumiinerusumik paasisaqarusukkaanni immikkoortortaqaarfimmi pisortaq Amalie A. Jessen – amalie@nanoq.gl-imut saaffiginnittoqarsinnaavoq, imal. Immikkut siunnersorti Masaana Dorph – mado@nanoq.gl